



REPUBLIKA E SHQIPËRISË
AUTORITETI I KOMUNIKIMEVE ELEKTRONIKE DHE POSTARE
-Këshilli Drejtues-

V E N D I M

Nr.2692, datë 27.10. 2016

Për

“Një ndryshim në Formularët e Regjistrimit për përdoruesit e shërbimeve të Komunikimeve Elektronike”, miratuar me Vendimin nr.2422, date 19.02.2014 te Këshillit Drejtues të AKEP”

Këshilli Drejtues (**KD**) i Autoritetit të Komunikimeve Elektronike dhe Postare (**AKEP**), i përbërë nga:

1. Z. Piro	Xhixho	Kryetar
2. Z. Alban	Karapici	Anëtar
3. Znj.Anila	Denaj	Anëtar
4. Znj.Ketrin	Topçiu	Anëtar
5. Znj.Klarina	Allushi	Anëtar

dhe sekretare Znj.Sara Reçi, në mbledhjen e datës 27.10.2016, sipas procedurës së përcaktuar në ligjin nr. 9918 datë 19.05.2008 “Për Komunikimet Elektronike në Republikën e Shqipërisë”, i ndryshuar, ligjin nr. 8480, datë 27. 5.1999 “Për funksionimin e organeve kolegjiale të administratës shtetërore dhe enteve publike”, dhe Rregullores së Brendshme të AKEP, miratuar me Vendimin Nr.2506, datë 30.10.2014 të Këshillit Drejtues të AKEP, shqyrtoi çështjen me objekt:

- “Mbi një ndryshim në Formularët e Regjistrimit për përdoruesit e shërbimeve të Komunikimeve Elektronike”, miratuar me Vendimin nr.2422, date 19.02.2014 te Këshillit Drejtues të AKEP.

BAZA LIGJORE:

1. Ligji nr. 9918, datë 19.05.2008 “Për Komunikimet Elektronike në Republikën e Shqipërisë” i ndryshuar, neni 98, 99, 100, 101, 101/1,114 dhe 115 i tij (**ligji nr. 9918/2008, i ndryshuar**);
2. Ligji nr.44/2015, “Kodi i Proçedurave Administrative i RSH” (**ligji nr. 44/2015**);
3. Vendim nr. 2422, datë 19.02.2014 i Këshillit Drejtues të AKEP “Për miratimin e Formularëve të Regjistrimit për përdoruesit e shërbimeve të komunikimeve elektronike,

si pjesë e dokumentit, Rregulla për “Termat e Përgjithshme të Kontratës së Pajtimit për Lidhjen dhe Aksesin në Rrjetin Publik të Komunikimeve Elektronike”, miratuar me Vendimin nr. 2405, datë 26.12.2013 të Këshillit Drejtues të AKEP.” (*Vendimi nr. 2422*);

K Ë S H I L L I D R E J T U E S:

Nga shqyrtimi i materialit shkresor, të përbërë nga:

1. Relacioni shpjegues mbi propozimin për një ndryshim në Formularët e Regjistrimit, si pjesë e dokumentit, Rregulla për “Termat e Përgjithshme të Kontratës së Pajtimit për Lidhjen dhe Aksesin në Rrjetin Publik të Komunikimeve Elektronike”, miratuar me Vendimin nr. 2405, datë 26.12.2013 të Këshillit Drejtues të AKEP;
2. Projektvendimi i Këshillit Drejtues i formatuar dhe arsyetuar;
3. Shkresave të palëve dhe diskutimeve në mbledhje mbi çështjen duke i'u referuar bazës ligjore të sipërcituar,

V Ë R E N:

- Sipërmarrësi ALBtelecom sh.a nëpërmjet shkresës nr.1462 datë 01.09.2016 (prot i AKEP) drejtuar AKEP, ka shprehur shqetësimin se në procesin e regjistrimit të pajtimtarëve në përputhje me kërkesat e Formularëve të miratuar nga AKEP me VKD nr.2422 datë 19.04.2014, ndeshet në vështirësi në mundësimin e ofrimit të shërbimit për shtetasit e huaj të cilët paraqiten me mjet identifikimi – kartë identiteti.
- Formularët e Regjistrimit me të dhënat dhe dokumentacionin e nevojshëm të cilat janë të detyrueshme të jepen nga përdoruesit e shërbimeve të komunikimeve elektronike, për shërbimin publik telefonik të lëvizshëm dhe të qëndrueshëm, janë miratuar me Vendim të Këshillit Drejtues nr.2422, datë 19.02.2014.
- Albtelecom sh.a ka propozuar ndryshimin e dokumentacionit të nevojshëm për regjistrim për kategorinë e pajtimtarëve *shtetas të huaj* (specifikuar në Formularët e Regjistrimit), duke shtuar mundësinë e regjistrimit të tyre për shërbimet e kërkuara, përveç dokumentit të pasaportës, përdorimin edhe të dokumentit Letërnjoftim ID (Karta e Identitetit).
- AKEP, mbi propozimin e Albtelecom sh.a , duke vlerësuar se përcaktimet e bëra në Formularët e regjistrimit të miratuara me VKD nr.2422 datë 19.04.2014, si dhe çdo ndryshim i mundshëm i tyre, përbëjnë interes edhe për subjektet e tjere, gjykoj të arsyeshëm të kërkonte paraprakisht mendimin e palëve për këtë qëllim, si dhe faktin në se përben shqetësim në praktikën e punës se përditshme, parashtrimi i bërë nga subjekti ALBtelecom sh.a nëpërmjet shkresës nr. 1462/1, datë 05.09.2016 (prot i AKEP) për tre rrjetet celulare, Vodafone Albania sh.a, Telekom Albania sh.a si dhe Plus Communications sh.a, për të bërë të njohur shqetësimin e ALBtelecom sh.a si dhe dhënien e mendimit të tyre.

- Në përgjigje të shkresës së sipërcituar tre rrjetet celulare kanë dhënë mendimin e tyre, duke shprehur dakortësinë me pretendimin e ALBtelecom si dhe duke vlerësuar se një ndryshim i tillë në formularët e regjistrimit të pajtimtareve do të rriste efikasitetin e procesit të regjistrimit të pajtimtareve në rrjetet e tyre, pasi kufizimet e bëra sipas përcaktimeve aktuale në formularët e regjistrimit përbëjnë një pengesë në këtë drejtim.
- Sa më sipër, ndryshimi i propozuar në Formularët e Regjistrimit gjykohet i arsyeshëm për shkak të pengesës së paraqitur në ofrimin e shërbimeve për kategorinë e pajtimtarëve shtetas të huaj, të cilët janë të pajisur me Letërnjoftim ID (Karta e Identiteti) dhe nuk kanë pasaportë siç edhe është e përcaktuar në Formularët e Regjistrimit aktualë.

PËR KËTO ARSYE

Bazuar në pikën 1 të nenit 114, dhe në pikën 1 të nenit 115 të ligjit nr. 9918/2008 i ndryshuar, dhe në Kodin e Procedurave Administrative i RSH, Këshilli Drejtues i AKEP,

V E N D O S:

1. Të miratojë ndryshimin e propozuar në Formularët e Regjistrimit për Shërbimin Publik Telefonik të Lëvizshëm, Shërbimin Publik Telefonik të Qëndrueshëm dhe atë të Akses Internetit, sipas dokumenteve bashkëlidhur;
2. Të gjitha përcaktimet e tjera të Vendimit nr. 2422, datë 19.02.2014, i Këshillit Drejtues të AKEP mbeten të pandryshuara;
3. Ky Vendim të publikohet në faqen e internetit www.akep.al

Ky Vendim hyn në fuqi në datën e miratimit të tij.

K R Y E T A R I
Piro XHIXHO

ANËTARË:

1. **Alban KARAPICI**
2. **Anila DENAJ**
3. **Ketrin TOPÇIU**
4. **Klarina ALLUSHI**

